



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Druzbicki, Societatis Jesu, Jesus Passus Per Centuriam
Modorum Meditandi passionem Salvatoris nostri illustratus; cui
accesserunt Meditationes In Passionem Domini XLVI. - Juxta numerum
dierum Quadragesimæ

Družbicki, Kaspar

Ingolstadii, 1732

VD18 90066405

54. Considerando Patientem Christum collatum eidem Christo glorioso.

urn:nbn:de:hbz:466:1-45427

Hunc in modum totam Christi Passionem invenire est apud Hieremiam Prophetam, vel in solis quatuor capitibus Threnorum ejus; hunc in modum verbis historiae Evangelicae Hieremias dat admirabilem interpretationem atque lucem: vicissimque eandem ab Historia Evangelica recipit.

Hunc in modum ex omnibus Sacrae paginae veteris testamenti textibus, conflare potest uberrima Historia Passionis Christi Domini, non solum praedictio, verum etiam explanatio, & elucidatio: & meditationum affectuumque devotissimorum uberrima farrago. Cujus rei specimen aliquod dedisse satis est; nam id pluribus agere, praesentis instituti non est.

MODUS LIV.

Quinquagesimus quartus meditandi Passionem Domini nostri, modus esse potest, per comparisonem gratia. Potest quis per totam Hieremiam Dominicae Passionis pergendo experire quas & quantas glorias pro singulis doloribus & injuriis nunc in Caelo habeat. Quae in sensum cadit illa Sancti Job sententia. *Capitulum*

Job. 36. 17.

tua quasi impii judicata est: causam & judicium recipies. Expressius porro id ipsum loquitur

Isa. 53. 10.

est Isaias. Si posuerit pro peccato animam suam, videbitur

videbit semen longævum, & voluntas Domini in manu ejus dirigetur. Pro eo, quod laboravit anima ejus, videbit & saturabitur, & in scientia sua justificabit ipse justus servus meus multos, & iniquitates eorum ipse portabit. Ideo dispertiam ei plurimos, & fortium dividet spolia, pro eo quod tradidit in mortem animam suam, & cum sceleratis reputatus est. Paulus quoque Apostolus non minus copiosè & signanter hanc ipsam sententiam exprimit, dicens inter alia. Humiliavit *Philipp. 2. 8.* semetipsum, factus obediens usque ad mortem, mortem autem crucis: propter quòd & Deus exaltavit illum: & donavit illi nomen, quod est super omne nomen: ut in nomine Jesu omne genu flectatur, caelestium, terrestrium, & infernorum: & omnis lingua confiteatur, quia Dominus Jesus Christus in gloria est Dei Patris. Et rursus ait: Dum autem, *Hebr. 2. 8.* in modico quàm Angeli minoratus est, videmus Jesum propter Passionem mortis, gloriâ & honore coronatum. Rectè ergo potest quis in meditatione Dominicæ Passionis contraponere laboribus Christi præmia ejusdem: doloribus beatitudines, injuriis honores, ignominias glorias: & in illis quidem Christo compati in his autem congaudere: de illis tristari, has verò, gratulari: illas sibi ad imitandum degustandumque proponere & assumere: has autem sperare & expectare. Si enim compatimur & conglorificabimur. *Rom. 8. 17.*

Potest etiam quis Passiones Domini una ex parte recolens, ex altera eundem gloriâ & honore circumdatum considerans: variis & sublimibus

y: Dux
 Bicki
 ver: axce
 Tomus III
 N: V
 588

mibus modis ad Christum utroque in statu affici: maximè autem & potissimè Patienti & opprobriis saturato adglutinari, & eum talem eidem ipsi glorioso & beato quodammodo Christi Patientis cum eodem Glorioso & in Cælo regnante: ita ut dolores ignominiaque illius in Passione, cum gloria, potestate, & excellentia ejusdem in beatitudine collata, multam mentis varietatem, piissimorum, tum affectuum, tum profectuum, suppeditent. Exempli do præferre: salubrioremque & conventiorem profectui suo pro hujus præsentis vitæ statu decernere & pronuntiare. Etenim rêvera hic ordo esse debet in amore, possessione, conformationeque Christi. Ut nimirum prius patienti, deinde glorioso afficiamur: & per conformitatem consortiumque crucis ejus, gradum faciamus ad consortium conformitatemque gloriae ejus. Hinc est Pauli illud dictum. *Mibi autem Gal. 2. 18. absit gloriari, nisi in cruce Domini nostri JESU Christi, per quem mihi mundus crucifixus, & ego mundo, propter quem omnia detrimentum feci, & arbitratus sum ut stercora, in quem sensum alibi sæpissimè loquitur. Significans beatitudinem vitæ consistere in tolerantia crucis: Patriæ vero in Possessione æternæ felicitatis. Atque eodem spiritu Chrysostomus sine dubio abundans, addet dicere, se malle cum Christo esse in cruce, quàm cum eodem in Cælo, nimirum pro convenientia præsentis statûs, cui labor compevit non autem præmiorum receptio: ut proinde beatiôr sit ille, qui in præsentis vitæ cum Christo*

& p
tur
spiri
viti
ad
ad
mia
Gro
lect
dici
salu
atti
null
Cor
qua
quo
tun
&

& pro Christo passionibus laboribusque atteritur, quam qui otio, quiete, solatiisque etiam spiritualibus, recreatur. Hoc enim hujus vitæ non est, in qua homo natus est ad laborem, ad mercatum, ad negotiationem, ad certamina, ad cursum, non autem ad mercedem, ad præmia, ad quietem. *Neque enim electis suis* (ait *Gregor. lib. 9. Epist. 29.*) *in hac vita Deus promisit gaudia delectationis, sed amaritudinem tribulationis, ut medicina more per amarum poculum ad dulcedinem salutis æternæ redeant.* Sed his immorari nihil attinet, cum sint vitæ Christianæ elementa, nulli prorsus ignoranda, nulli negligenda. Comparationis hujus, de qua hic sermo, & in qua modus præsens meditandi statutus est: aliquod paradigma proponere forsitan operæ præmium erit, ut facilius considerationes & affectiones congruæ à meditantibus excitari possint. Sit ergo Paradigma primum.

Chri

y: Drex
 Bick
 per: axel
 Tomus III
 N: V
 58

Christus in Passione.

1. Christus in horto tristis & pavens.
2. Christus orans & prostratus in faciem suam.
3. Christus in agonia sudans sanguinem.
4. Christus venditus & osculo traditus, captus.
5. Christus ante tribunalia & Judices reus.
6. Christus illusus, velatus, consputus, colaphisatus.
7. Christus nudatus, & ligatus ad flagella.
8. Christus flagellis concisus.
9. Christus dolorum & contumeliarum Rex, spinis coronatus.
10. Christus illusoriè adoratus in purpura.
11. Christus Barabbæ postpositus.
12. Christus damnatus ad crucem.
13. Christus bajulans sibi crucem in montem.
14. Christus felle & aceto potatus.
15. Christus crucifixus inter latrones.
16. Christus orans pro hostibus & crucifixoribus.
17. Christus Sitiens.
18. Christus latroni dans Paradisum.
19. Christus

Christus in Gloria.

Christus in Cœlo lætitia Angelorum & Sanctorum.

Christus in Cœlo faciens voluntatem timentium se.

Christus in Cœlo agnotheta & confortans.

Christus in Cœlo solvens compeditos; Merces magna nimis.

Christus habens potestatem in Cœlo & in Terra; Judex vivorum & mortuorum, habens claves vitæ & mortis.

Christus in Cœlo, cui adstat exercitus Angelorum, & in quem desiderant Angeli prospicere.

Christus amictus lumine, sicut vestimento.

Christus regens populos in virga ferrea.

Christus in Cœlo: & in capite ejus diademata multa, habens scriptum in femore Rex Regum, Dominus Dominantium.

Christus in Cœlo adoratus, à viginti quatuor senioribus dicentibus: Dignus est Agnus, qui occisus est, accipere Divinitatem, &c.

Christus excelsior Cœlis factus, electus ex millibus.

Christo tradita sunt omnia à Patre: & accipit nomen super omne nomen, ut in nomine Jesu omne flectatur.

Christus portans cuncta verbo virtutis suæ, in dextera ejus longiturnitas vitæ, gloria & divitiæ in domo ejus.

Christus torrente voluptatis potatus & potans suos, ducensq; illos ad vitæ fontes aquarum.

Christus sedens ad dexteram Patris, ubi millia millium ministrant ei.

Christus habens inimicos suos, positos scabellum pedum suorum.

Christus fons aquæ vivæ.

Christus Pater futuri sæculi.

Chri-

Handwritten notes in red ink on the right edge of the page, including the words "Dixit", "Bicki", "ver: accipit", "Tomus III", and the numbers "N: V" and "58".

Christus in Passione.

19. Christus à Patre derelictus in Cruce.

20. Christus animam Patris manibus tradens

21. Christus mortuus.

Christus sepultus.

Libet etiam addere Paradigma secundum
 Abjectissimus. Abjectio plebis.
 Blasphemus & Blasphematus.
 Contumeliis & calumniis affectus.
 Dolorum vir; derelictus ab omnibus.
 Exterminatus, execrabilis. ⁽ⁱⁿ⁾
 Fœditissimus, factus in derisum & canticum omni-
 Gravis etiam ad videndum.

Homo humiliatissimus, humilis corde.
 Illusus, injuriis saturatus.
 Latronibus annumeratus.

Miserrimus. Maledictum pro nobis factus.
 Negatus, ad nihilum redactus.
 Odio habitus, opprobrium hominum.
 Parvulus in gentibus, percussus à Deo.
 Rex Dolorum.
 Seditiosus, scandalosus à Sathana infessus.

Tentatus per omnia, absque peccato.

Vermis & non homo. Vulneratus propter
 peccata nostra.

Zelo Domus Dei consumptus.

Christus in Gloria.

Christus unigenitus in sinu Patris: ipse in Patre: & Pater in illo.

Christus in dextera sedentis super thronum, Liber scriptus intus & foris, signatus sigillis septem: idemque accipiens librum, solvens signacula ejus.

Christus semper vivens ad interpellandum pro nobis.

Christus Rex sæculorum immortalis, invisibilis, solus Deus, ipsi gloria in sæcula. hujus collationis atque Modi.

Altissimi Filius. Altissimus.

Beatissimus. Benedictus Deus.

Candor lucis æternæ.

Deliciæ Patris, dignissimus Deus.

Excelsior Cœlis factus.

Felicissimus: Felicitas æterna Sanctorum.

Gloriosissimus & Rex gloriæ, in quem desiderant Angeli prospicere.

Honorificentia populi Dei.

Jesus Christus, qui est in gloria Dei Patris.

Legifer noster, in manu ejus ignealex. Lucem habitans inaccessibilem.

Majestate & misericordia ejus, plena est terra.

Natus ante sæcula: ante omnem creaturam.

Omnipotens nomen illi.

Pater futuri sæculi: Princeps Pacis.

Rex sæculorum, cujus Regni non erit finis.

Sanctus, Sanctus, Sanctus, Dominus Deus Sabaoth.

Tradita habens à Patre omnia. Totus desiderabilis.

Vivens semper ad interpellandum pro nobis.

Vita æterna in voluntate ejus.

Zelans & Zelotes Deus.

V. P. Druzb. Op. VIII.

X

Ecce

Handwritten notes on the right edge of the page, including the name 'Druzb.' and various numbers and symbols.

Ecce talis est dilectus meus ex Dilecto. Dilectus meus candidus in vita, rubicundus in morte, dilectus ex millibus, totus desiderabilis. Talis est dilectus meus, ipse est amicus meus.

Christum ergo in Passione & in Gloria divesum atque eundem considerans, anima, vana (ut supra dixi) affectionum generibus, prole qui, complecti, exaltare potest: sed ni fallor, erit utilissimus affectus, si patientem interem pro hac vita, glorioso regnantique prætulit præeunte hac in parte sibi Beato Bernardo, ac in loquente.

Bernard.
serm. 1. in
Epiphania.

[„ Ecce quasi saccum plenum Misericordiam suam misit in terram: Saccum inquam in Passione concidendum, ut effundatur quod in eo latebat, pretium nostrum. Saccum utique etsi parvum, sed plenum. Parvulus siquidem datus est nobis, sed in quo habitat plenitudo temporis, venit plenitudo Divinitatis. Venit in carne, ut vel carnalibus exhiberetur: ut apparente humanitate, benignitas agnosceretur. In quo enim magis commendare poterat benignitatem suam, quam suscipiendo carnem meam. Meam inquam, non carnem Adam: id est, non qualem ille habuit ante culpam. Quid tantopere clareret ejus misericordiam, quam quod ipsa suscepit miseriam? Quid ita pietate plenum, quam quod Dei Verbum propter nos factum fœnum? Domine quid est homo quia reputas eum, aut quid apponis erga eum cor tuum? Hic attendat homo quanta sit cura ejus, ut hinc sciat quid de eo cogitet, aut quid sentiat. Non interrogas o homo ea quæ pateris, sed quæ passus est ille. Quanti te fecit, ex his quæ pateris

te passus est agnosce, ut appareat tibi benignitas eius ex humanitate. Quamto enim minorem se fecit in humanitate, tanto maiorem exhibuit in bonitate: & quanto pro me vilior, tanto mihi charior est. Hucusque Bernardus egregie ab excessu humiliationis Christi Domini, tum miserationis eius erga nos redundantiam, tum nostrae in eum propter hoc affectionis tenerissimam ubertatem, uberrimamque teneritudinem decerpens. Christus siquidem in passionibus suis nobis propriissime bonus, nobis impensus, & in commodum nostrum effusus est, at verò in Gloriis & Honoribus, suus quodam modo magis est quam noster: & exaltatio eius magis illi ipsi quam nobis commodat: quocirca mirum non est, si amplius & tenerius impatientem quam in gloriosum secundum huius vitae statum ferimur atque afficimur. Misericordia enim miseris plus placet, quia etiam plus prodest.

Accedit, quòd inter nostras & Christi Domini miseras sit una permagna differentia, ob quam necesse est aliter longè nostras, aliter verò Christi Domini miseras, & sentire & aestimare. Nostrae siquidem miserae, nihil aliud sunt nisi miserae; at verò miserae Christi, sunt ejusdem maximae super nos & saluberrimae nobis misericordiae, quibus ab infinitis, hoc est, ab omnibus miseriis nostris, divinam prorsus charitate sese in nos eviscerante, liberamur atque sanamur. Dignum est ergo nos miseriis Domini tanquam miserationibus nostris summa cum teneritudine affici, summa cum appretiatione earum adglutinari. Tanto enim ab hominibus dignius honoran-

X 2

noran-

Greg. homil.
6. in Evang.

Druck
Bick
ver: arce
Tomus III
N: V
58

norandus est Deus, quantò pro miseris hominibus etiam indigna suscepit. Et omnia quæ firmissima sunt salvatoris nostri, tantò magis nos ambire æstimareque convenit, quantò & magis infirmi esse noscimus. Plus enim ibi recipimus sanitatis nostræ, ubi amplius Redemptorem nostrum infirmitatis & dignationis sublimiter reperimus pro nobis. Magna quippe Salvatoris nostri infirmitas, magna etiam est infirmitas nostræ sanitas: & ibi est maxima nostra exultatio, ubi maxima est Salvatoris nostri humilitas, atque dignatio. Quare manifestum est posse, & debere nos ejusmodi affectu & sensu affici erga Christum positum in Passione, ejusmodi, affici nos non convenit erga eundem positum jam in Beatitudine.

MODUS LV.

Quinquagesimus quintus meditandi Passionem Dominicam modus esse potest, per varias animi nostri affectiones, quas ipsius Passionis consideratio in considerante necessitas nec non fructuosè, simulque ad Domini placitum pergrate excitat. Sufficiet enumerasse hic loco septem præcipuas: quas desumo à Patre nostro Francisco Costero: positas ab ipso exprecatasque in Præfatione ad suas de Passione Dominicæ meditationes. Ait igitur ille, septem affectiones posse in nobis per Passionis Dominicæ meditationem concitari.

Costerus *Præf. in Med. de Pass. Dom.* *Prima est Compassio, hoc est animi affectus quâ patienti condolemus, ejusque dolores quos in nos transferimus, & eos si non corpore, tamen animo sentimus: eâque affectione videtur*